

इवनिंग डोगरी न्यूज़ बुलेटिन

समे-18:15 Hrs

<><><><><><>

Headlines

- 1 राष्ट्रपति द्रौपदी मुर्मू होरें राई-बाई सरबन्धी साईंसदानें गी आखेआ ऐ जे ओह भलेआं अज्जै-कल्ले दिऐं तकनीकें दे इस्तेमाल कन्नै कृषि क्षेत्र गी मजबूत बनान।
- 2 इसरो नै अज्ज श्री हरिकोटा ते सतीश धवन अतिरिक्ष केंद्र थां प्रोबा-3 उपग्रह गी लेई जाने आहले PSLV 2-59 दा सुल प्रक्षेपण कीता।
- 3 जम्मू-कश्मीर सरकार नै लोकें दिऐं समस्याएं गी सुनने ते उंदे तगर पुज्ज बनाने सरबन्धी मुखमंत्रि हुंदा इक दफ्तर कायम कीता ऐ।
- 4 पुंछ जिले आहली कब्जा रेखा कन्नै लगदे इलाकें च संदिग्ध नकलो हरकत दिक्खे जाने मगरा जोआनें आसेआ गोलीबारी कीती गई। कुलगाम जिले दे काजीगुंड इलाके च सुरक्षाबलें आतंकवादिएं दे 2 सहायकें गी ए.के-47 रफलें सने गिरफ्तार कीता।

<><><><><><>

ते हून खबरें दी तफसील कन्नै शिवि सूरी।

LS-Adjourned

लोकसभा च भारतीय जनता पार्टी दे सांसद निशीकांत दुबे हुंदे आसेआ कांग्रेस दे वरिष्ठ नेताएं खलाफ आरोप ते संभल हिंसा दे मुद्दे पर बरोधी धड़ें दे हंगामे दे बाद सदन दी कार्यवाई दिन भरै लेई स्थगित करी दिती गई। पैहले स्थगन दे बाद जिसले सदन दी कार्यवाई फही शुरू होई ते रेल मंत्री अश्विनी वैश्याव होरें रेलवे संशोधन बिल 2024 दे बारे परता देने दी कोशिश कीती। मगरा बरोधी धड़ें दे सांसदें डंड रौली जारी रक्खी जिस करी सदन दी कार्यवाई दिन भरै लेई स्थगित करनी पेई। शून्य काल दौरान श्री दुबे होरें जिसले इक फ्रांसीसी पत्रिका दी रिपोर्ट दा हवाला दिंदे होई आखेआ जे इस चाल्ली दियां ताकतां देश दी आर्थिक स्थिति थमां लोकें दा ध्यान भटकाने दी कोशिश करारदी ऐ। उनें आरोप लाया जे राहुल गांधी ते प्रियंका गांधी सने कांग्रेस ते होरनें किश बरोधी नेता सोशल मीडिया पर इस चाल्ली दी खबर फैला रदे न। इक प्रमुख बपारिक समूह खलाफ कथित रिश्वत मामले ते संभल हिंसा गी लेइयै कांग्रेस, डी.एम.के ते होरनें दलें सदन च हंगामा शुरू करी दिता। शोर-शराब जारी राहने पर लोकसभा अध्यक्ष होरें सदन दी कार्यवाई 2 बजे तोड़ी स्थगित करी दिती।

<><><><><><>

ISRO-PSLV

भारतीय अंतरिक्ष अनुसंधान संगठन इसरो नै श्री हरिकोट दे सतीश धवन अंतरिक्ष केंद्र थमां प्रोबा-3 अंतरिक्ष यान गी लेइयै जा'रदा PSLV C-59 दा सफलता नै प्रक्षेपण करी दिता। इसी श्रीहरिकोटा रेंज दे स्पेस पोर्ट दे पैहले लांच पैड थमां 4 बज्जियै 4 मिंटें पर प्रक्षेपित कीता गेआ। प्रक्षेपण दे बाद इसरो नै सोशल मीडिया प्लेटफार्म एक्स उप्पर जानकारी सांझा कीती जे PSLV C-59 गी गासै च सफलता नै प्रक्षेपित कीता गेआ जेड़ा जे इसरो दी तकनीकी विशेषज्ञता कन्नै न्यू स्पेस इंडिया लिमिटेड दे नेतृत्व च इक वैश्विक मिशन दी शुरूआत दे बारे दस्सदा ऐ जेड़ा जे यूरोपीय अंतरिक्ष एजेंसी दे ग्राउंड ब्रेकिंग प्रोबा-3 उपग्रहें गी तैनात करोग। प्रोबा-3 च 2 अंतरिक्ष यान शामिल न। मिशन सटीक उपग्रह स्थिति फार्मेशन फ्लाईंग ते होरनै नमियें तकनीकें दा प्रदर्शन करोग।

<><><><><><>

CM-Public Service

मुख्य सचिवालय तैहत सरकार नै शकैतें दे नबेड़े ते जनता गी सेवा प्रदान करने गितै इक मुख्यमंत्री सार्वजनिक सेवा ते पुज्ज सरबन्धी दफ्तर खडेरैआ ऐ। आदेश च आखेआ गेआ ऐ जे दफ्तर च हाल फिलहाल शुरूआती समें च केंद्री सतह पर दऊं सीगे होंगन ते अफसर हुंदी दिक्ख-रिक्ख च कम्म काज ते मुद्दे-मसलें दा नबेड़ा कीता जागं एहदे च शैहरदारें तोड़ी सब्बे प्रशासनिक सतह पर पुज्ज सरबन्धी कार्यक्रमें राएं पुज्जेआ जाग।

<><><><><><>

Prez. Farmers

राष्ट्रपति द्रौपदी मुर्मू होरें अज्ज राई-बाई वैज्ञानिकें ते करसानें गी कुदरती कुपरौपियें, जलवायु परिवर्तन ते कुदरती संसाधनं दे दुरुपयोग जनेई चुनौतिएं थमां बचाने लेई अज्जै-कल्लै दे स्हाबै नमियां येजनां बनाने दा आह्वान कीता। उनें आखेआ जे राई-बाई ते करसानी दे खेतर च करसानें गी सशक्त बनाने लेई अज्जै-कल्लै दे स्हाबै दी ड्रोन टेक्नॉलाजी, रिमोट सेंसिंग, मसनूई ज्ञान ते नैनो टेक्नॉलाजी दा इस्तेमाल करना लोइचदा ऐ। अज्ज बड्डलै भुवनेश्वर च ओडिशा राई-बाई ते टेक्नॉलाजी यूनिवर्सिटी दे 40में दीक्षांत समारोह गी संबोधित करदे होई राष्ट्रपति द्रौपदी मुर्मू होरें आखेआ जे कृषि वैज्ञानिकें गी देश लेई नमियां योजनां बनांदे बेल्लै धरते दी सेहत, पर्यावरण, धरतै दे संरक्षण ते कुदरती संसाधनं दे स्हेई इस्तेमाल पर ध्यान देना लोइचदा ऐ। उनें आखेआ जे भारत नै पिछले किश दहाकें च कृषि दे खेतर च जबरदस्त विकास बाददा हासल कीता ऐ ते होरनै मुख्यें गी अन्न-दाना ते कृषि उपकरण निर्यात करा'रदा ऐ। राष्ट्रपति होरें आखेआ जे राई-बाई ते करसानें दी बेहतरी कन्नै गै देश 2047 तोड़ी विकसित राष्ट्र बनने दा लक्ष्य हासल करी सकोग।

<><><><><><>

आकाशवाणी दा क्षेत्रीय समाचार एकांश जम्मू आँदी 6 दिसम्बर गी अपना 54मां स्थापना दिवस मनाने जा'रदा ऐ। इस सिलसिले च एकांश केई सारे कार्यक्रमें दा आयोजन करै करदा ऐ। स्थापना दिवस आले रोज 6 दिसम्बर गी बडलै साढ़े 9 बजे 30एं मिंटे दा इक विशेष कार्यक्रम प्रसारत कीता जाग जेहदे क्षेत्रीय समाचार एकांश दी भूमका, जिम्मेवारिएं ते कम्म करने दे तौर तरीके दे इलावा, इत्थे कम्म करी चुके दे अधिकारिएं कन्नै गल्लबात बी शामिल होग। अपने कर्मिएं दी होसला अफजाई लेई ऐकती स्थापना दिवस दे मौके पर उनेंगी सम्मानित बी कीता जाग जिंदे च 2024 ब'रे दे बेहतरीन समाचार सम्पादक, डोगरी ते गोजरी दा बेहतरीन समाचार वाचक ते अनुवादक, बेहतरीन जिला संवाददाता ते जनरल स्टाफ श्रेणी च बेहतरीन कर्मी शामिल ऐ। इस मौके पर 2024 आले लोकसभा ते विधानसभा चुनाएं दरान आकाशवाणी दे विशेष कार्यक्रमें लेई सैहयोग ते योगदान देने आलें गी बी सम्मानित कीता जाग। समाचार एकांश दे स्थापना दिवस लेई स्हाड़े श्रोता ते जम्मू प्रांतें दे मन्ने-परमन्ने दे लोक अपनियां शुभ कामनां देआ करदे न।

भारत पाकिस्तान युद्ध दे नायक डोगरी दे कवि ते पदम श्री कन्नै सम्मानित नरसिंह देव जम्वाल होरें आखेआ।

साबका प्रोफेसर ते पदम श्री कन्नै सम्मानि ते स्हाड़े श्रोता प्रोफेसर शिव निरमोही होरें आखेआ।

.....बाईट.....

<><><><><><>

MEA-Bharat

विदेश मंत्री डॉ. एस. जयशंकर होरें आखेआ जे भारत होरनें अर्थ बवस्थाएं लेई छड़ा इक उपभोक्ता सरबंधी बपारिक बजार गै नेई बनना चांदा। नमीं दिल्ली च Bharat @ 100 शिखर सम्मेलन च fuelling Bharat's Global Rise दे विशे पर बोलदे होई डॉ. एस जयशंकर होरें आखेआ जे वैश्विक समूह ते उद्योग भारत बक्खी औहदे बपारिक बजार आस्तै गै नेई बल्कि प्रतिभा आस्तै बी इत्त बक्खी आँदे न। चीन उप्पर बोलदे होई मंत्री होरें आखेआ जे भारत चीन कन्नै बेहतर बपारिक रिश्ते चाहंदा ऐ, मगरा औहदे पर निर्भर नेई रौहना चाहंदा ऐ। रूस थमां आयात उप्पर बोलदे होई मंत्री होरें आखेआ जे यूरोपी देश विश्वास योग भ्याल न जिंदे च आस्ट्रेलिया, ब्राजील ते इंडोनेशिया बी शामिल ऐ ते इंदे कश कुदरती संसाधन न। उनें रूस कन्नै बपार उप्पर आखेआ जे पिछले किश बरें बपार गी लेइए पच्छिम थमां ध्यान किश हटी गेआ ऐ ते भारत दवाइयें, समुंदर ते राई-बाई जनेए खेतर गितै रूस कन्नै अगगे बदना चाहंदा ऐ।

<><><><><><>

कन्नू ते न्याऽ मंत्री अर्जुन राम मेघवाल होरें आखेआ जे केंद्र सरकार दूददर्शी नेता बाबा साहेब अम्बेडकर हुंदे मूल्लें कदरें दी राक्खी लेई पूरी चाल्ली बचने बज्झी दी ऐ ते दबोए लतड़ोए दे तबकें दी भलाई बेहतरी लेई कम्म करा 'रदी ऐ। नमीं दिल्ली च इक प्रेस कांफ्रेंस गी संबोधित करदे होई श्री मेघवाल होरें आखेआ जे योजनाएं ते पैहले राएं जियां जे 2017 च नमीं दिल्ली च डॉ. अम्बेडकर अंतरराष्ट्री केंद्र बनाना शामिल ऐ ते सरकार बाबा साहेब हुंदा योगदान ते आदर्श गी विश्व गी दस्सा'रदी ऐ। उनें आखेआ जे बी.आर अम्बेडकर हुंदियें रिपोर्टें दी मदद कन्नै माली आयोग खडेरने च मदद थोई ही।

<><><><><><>

ते हुन बाकी दिएं खबरें कन्नै श्रुति खजूरिया।

Poonch-Ambush

पुंछ जिले आहली कब्जा रेखा कन्नै लगदे इलाके च सेना दे इक दल आसेआ संदिग्ध नकलो हरकत दिक्खी गेई। बलें बगेयाल दरा कश किश शूबे आहली हरकत दिक्खी ते किश रौंद दागे। सुरक्षाबलें घेराबंदी गी होर बी तगड़ा करी दिता। अधिकारी मूजब तपाशी अभियान वीरवारें शुरू कीता गेआ। खीरी खबरां थोने तगर अभियान जारी ही।

<><><><><><>

Security-Forces

सुरक्षाबलें कुलगाम जिले दे काजीगुंड थां आतंवादिएं दे 2 सहायकें गी गिरफ्तार कीता ऐ ते उंदे कब्जे थां असला ते बरूद बरामद कीता। इनेंगी लोवर मुंडा थां इक नाके पर जांच दौरान फगड़ेआ गेआ। इंदे कब्जे थां 2 ए.के 47 रफलां, 4 मैगजीनां ते किश रौंद बरामद होए न। गिरफ्तार कीते गेदे इनें सहायकें दी पंछान मंजूर अहमद भट्ट जेड़ा रशीद भट्ट दा पुत्र ऐ ते अल्ताफ अहमद लोन पुत्र अब्दुल लोन दे तौर पर होई ऐ। इस सरबंध्य च मामला दर्ज करी लेता गेआ ऐ ते जांच कीती जा'रदी ऐ। होर ब्यौरे गी बलगेआ जा'रदा ऐ।

<><><><><><>

Banihal-Ramban

ट्रैफिक नियमें दी सेई चाल्ली अमलावरी ते बददे शिड़क हादसें पर काबू पाने लेई ट्रैफिक पुलिस नै सरकारी डिग्री कॉलेज बनिहाल कन्नै रलिए इक जागरूकता रैली दा बनिहाल इलाके च सरिस्ता कीता गेआ। इस दौरान लोकें गी ट्रैफिक नियमें दी पालमा करने बारें ते नियमें दी पालमा करिए सुरक्षित यात्रा करने बारें जागरूक बनाया। डीएसपी ट्रैफिक बनिहाल एस.पी सिंह ते प्रो. बहार अहमद मीर होरें लोकें गी अपील

कीती जे ओह यातायात नियमें दी पालमा गी यकीनी बनान। आकाशवाणी कन्नै गल्ल करदे होई उनें आखेआ।

<><><><><><>

Naidu-Airports

सिविल हवाबाजी सरबन्धी मंत्री के. राम मोहन नायडू होरें आखेआ ऐ जे मुख्य भरै च 157 ब्हाई अड्डे चालू न। उनें आखेआ जे 2014 च छडे 74 ब्हाई अड्डे चालू हे। अज्ज लोकसभा च जिमनी सौआले दे परते च श्री नायडू होरें आखेआ जे प्रधानमंत्री नरेंद्र मोदी हुंदी अगुवाई च सरकार नै मुख्य भरै च ब्हाई अड्डे दे नेटवर्क दा विस्तार कीता ऐ। उनें आखेआ जे 'उडे देश का आम नागरिक' उडान योजना सिविल हवाबाजी आहले क्षेत्र आस्तै क्रांतिकारी योजना रेई ऐ। मंत्री होरें आखेआ जे भारत दा घरेलू हवाई यातायात इक गै दिनै च 5 लख थ्वां मते यात्रिउएं गी हवाई रस्ते राएं यात्रा करोआने दे रिकार्ड सतह तर पुज्जी गेआ ऐ।

<><><><><><>

Junior-Asia Cup Hockey

भारत नै मर्दे दा जूनियर हॉकी एशिया कप जिती लैता ऐ। ओमान दे मस्कट च खेड्ऐ गेदे फाइनल च भारत नै चिर प्रतिद्वंदी पाकिस्तान गी त्रै दे मुकाबले 5 गोल कन्नै हराया। इस जित कन्नै गै भारत नै एह प्रतियोगिता 5मीं बारी अपने नांस कीती ऐ। एहदे थ्वां पैहले भारत नै 2004, 2008, 2015 ते 2023 च एह प्रतियोगिता जिती ही। भारत दी तरफा अरीजीत सिंह हुंदल नै 4 गोल कीते ते जित दे नायक रेय जिसले कि दिलराज सिंह नै इक गोल कीता। प्रधानमंत्री नरेंद्र मोदी होरें जूनियर एशिया कप 2024 दा खिताब जितने पर मर्दे दी जूनियर हॉकी टीम गी बदाई दिती ऐ। प्रधानमंत्री होरें युवा खडारिएं गी शुभकामनां दितियां।

<><><><><><>

Women Cricket

महिला क्रिकेट च त्रै मैचें दी श्रृंखला दे पैहले इक दिवसीय मैच च आस्ट्रेलिया नै भारत गी 5 विकट कन्नै हराई दिता ऐ। 101 रन दा लक्ष्य आस्ट्रेलिया नै 16 ओवर ते 2 गेंदें च हासिल करी लैता। आस्ट्रेलिया दी जॉर्जिया वोल नै नाबाद 46 रन बनाए। पैहले बल्लेबाजी करने गी उत्तरी दी भारती टीम 34 ओवर ते 2 गेंदें च 100 रन बनाइए ऑल आउट होई गई। भारत दी जेमिमा रोड्रिग्स नै 23 रन बनाए। श्रृंखला दा दुआ मैच 8 दिसंबर गी ब्रिसबेन च खेड्ऐआ जाग।

<><><><><><>